

Tur cos ta cla pa apertura di Joe Laveist Sport Park awe

ORANJESTAD- San Nicolas y Aruba en general ta cla awe pa apertura di nan joya di deporte, Joe Laveist Sport Park cu despues di lunanan di preparacion, canando paralelo cu trabounan di renobacion y construcion, ta habri su portanan oficialmente. Un y tur

ta invita pa e eventonan cu ta cuminsa awe y lo sigui te cu diadomingo 29 di november 2015 den e hoya di facilidad deportivo aki.

Awe diabierna for di 7.00 di atardi ta tuma lugha apertura oficial di e facilidadnan, den cual lo honra esunnan cu a

sostene e sport park y grandi nan den e mundo di deporte.

“Take me back to the Ball Game! lo ser scucha awe y abo tambe por t’ey pa canta y gosa di e diferente actividadnan. Lo tin hopi premio disponibel.

Lo cende Fireworks espectacular pa asina, den forma simbolico, lo cende e luznan oficialmente den e park. Agrupacionnan musical manera Le Groove, Tsunami, Oreo y Mike’s Disco lo t’ey pa entretene un y tur. Tambe lo tin diferente food-stands y un kids corner.

Tin masha expectativa pa e encuentro internacional di baseball entre Corsou y Aruba. Wild Cats di Corsou lo enfrenta All Star Team di Aruba, mientras cu den



Beach Volleyball lo tin 3 team masculino cu lo midi forza cu e atletanan di Aruba. Boxeo tambe ta riba e lista di eventonan. Ta un honor pa mira asina hopi encuentro bek den Joe Laveist Sport Park.

E “MLB Madness” cual lo tuma lugha riba diasabra, caminda astronnan grandi den Grandes Ligas lo t’ey pre-

sente pa duna bon torneo di Beisbol. Entrada lo ta 10 florin pa adulto y 5 florin pa mucha.

Despues di su apertura oficial Joe Laveist Sport Park ta bek na disposicion di San Nicolas y e comunidad di Aruba en general. Un danki grandi ta bay na e sponsornan cu a haci e re apertura aki posibel. □

